



CUMÜN DA SENT

Il mas-chalch da Sent



Publicaziuns officialas. Cumpara segund bsögn.

2009/2011

no. 50

7554 Sent, 5 december 2011 / cl

Radunanza cumünala

La radunanza es gnüda fixada sün **gövgia, 15 december 2011, a las 20.15**, in chasa cumünala.

Tractandas:

1. Protocol da la radunanza cumünala dals 16 november 2011
2. Fixar il pè d'imposta pel 2012
3. Preventiv pel 2012 pel quint curraint
4. Preventiv pel 2012 pel quint d'investiziuns
5. Varia

Tractanda 3 e 4:

Il Cussagl cumünal giavüscha a tuot ils interessats da passar a partir dals 8 december pro l'administraziun cumünala per la documainta per la tractanda 3 e 4 per nà perder massa bier temp pro la preschantaziun dals preventivs d'urant la radunanza.

Il Cussagl cumünal

Bös-chins da Nadal

Ils bös-chins da Nadal vegnan scumpartits **marcurdi, 21 december 2011** da las 15.00 a las 17.00 pro'l lavuratori in Palüzot. Ils bös-chins vegnan furnits d'üna dita our dal chantun Turgovia. Il cumün in chascha ils seguaints predschs: **bös-chins pitschens frs. 12.00 / mezdans frs. 15.00 / gronds frs. 20.00.**

Ils bös-chins dovrats **nu's poja plü dar cul arüd**. Perquai ramassa il cumün in duos jadas pro'ls bügls da Stron, Sala, Schigliana, Plaz e Curtin als **30 december 2011 e'ls 6 schner 2012.**

Administraziun forestala

Ingrazchamaint

Il di da schoppa da dumengia, als 6 november 2011, po gnir considerà sco success. No vain pudü far la donaziun da frs. 930.-- ad Amnesty International. Ün cordial grazcha fich tocca als confirmands ed als preparands ed a tuot chi chi ha güdà, saja quai cun far la schoppa o la salata, in ün oter möd o simplamaing cun far part a l'arrandschamaint.

La corporaziun evangelica

Chant d'Advent pro'ls bügls / Weihnachtssingen bei den Brunnen

Als 18 december 2011 chantaina chanzuns d'Advent pro'ls bügls.

La prova da chant (Chorprobe) ha lö in marcurdi, ils 14 december 2011 a las 20.15 illa Grotta da cultura. P.pl. tour cun sai il coral.

Gianna Bettina Gritti

Cults divins da las Festas

Dumengia, 18 december 2011	10.00	dumengia d'Advent, cult divin rumantsch
Sonda, 24 december 2011	17.00	cult divin musical in lingua tudais-cha
	20.00	Bös-chin: cult divin rumantsch cun scolaras e scolars
Dumengia, 25 december 2011	10.00	Nadal: cult divin rumantsch cun Soncha Tschaina
Lündeschdi, 26 december 2011	10.00	Firà: cult divin tudais-ch
Sonda, 31 december 2011	17.00	Silvester: cult divin tudais-ch cun flöta da pan ed orgel
	20.00	Silvester: cult divin rumantsch cun musica Instrumentala
Dumengia, 1. schner 2012	10.00	Büman: cult divin rumantssch
Dumengia, 8 schner 2012	10.00	Cuvits: cult divin rumantsch

La pravenda

Uraris d'avertüra dal büro cumünal sur Festas e Büman

Il büro cumünal es **serrà** sur Nadal e Büman sco segua: Die Gemeindeverwaltung ist über die Feiertage wie folgt **geschlossen**:

Venderdi (Freitag), 23 december 2011 fin e cun **lündeschdi (Montag), 26 december 2011**
Sonda (Samstag), 31 december 2011 fin e cun **lündeschdi (Montag), 2 schner 2012**

Nus giavüschain a tuot la populaziun bellas Festas, üna buna fin ed ün bun cumanzamaint da l'on nouv.

L'administraziun cumünala

Uraris d'avertüra da las butias sur Festas e Büman

Sonda, 24 december 2011 tuot las butias han avert tenor ils uraris da las sondas
Dumengia, 25 december 2011 serrà
Lündeschdi, 26 december 2011 serrà cun exepziun da:
Furnaria Clalüna: avert 8.00 – 10.00
Sport Champatsch: avert 8.30 – 10.00 e 16.00 – 18.00
Sonda, 31 december 2011 tuot las butias han avert tenor ils uraris da las sondas.

Butiers e butieras da Sent

Uraris d'avertüra dal büro Sent Turissem sur Nadal e Büman

Sonda, 24 december 2011 9.00 – 10.00
Dumengia e lündeschdi 25 e 26 december 2011 serrà
Mardi fin venderdi, 27 – 30 december 2011 9.00 – 11.00 e 16.00 – 17.30
Sonda, 31 december 2011 9.00 – 10.00
Dumengia, 1. schner 2012 serrà

Davent dals **2 schner 2012** avert tenor nos urari da büro.

No giavüschain a tuots bellas ed allegraivlas Festas da Nadal, tuot il bun e blera furtüna per l'on nouv!

Sent Turissem

Aperitiv da Silvester a mezzanot sün Plaz

A partir da las 23.45 h fin las 01.00 h invidaina a tuot la populaziun ed a noss giasts ad ün aperitiv da cumpagnia. **No ans allegrain sün Vossa cumparsa!**

Sent Turissem

Uraris d'avertüra da la biblioteca sur Festas e Büman

Gövgia, 22 december 2011	19.00 – 20.00
Sonda, 24 december 2011	serrà
Lündeschdi, 26 december 2011	serrà
Gövgia, 29 december 2011	19.00 – 20.00
Sonda, 31 december 2011	serrà
Lündeschdi, 2 schner 2012	16.00 – 17.00

La broschüra “Ün gir litterar tras Sent” as poja cumprar in biblioteca (predsch frs. 15.--).

La grupp da biblioteca

Avis da la furnaria Benderer

No vain decis da desister eir quist on da dar il regal in da Büman obligat a nossa predschada clientella e da far üna donaziun a favur dal cumpartimaint da fliamaint dal Center da sandà “Chüra Lischana” a Scuol. Grazcha fich per Lur incletta. Nus ingrazchain per la fidelità demuossada e giavüschain a tuots ün bun on nouv.

Furnaria Benderer

Tscherchà a Sent

Nus eschan üna famiglia sursilvana cun duos uffants (6 e 10 ons) chi vuless jent as domiciliar a Sent. Perquai tscherchain nus a partir da la stà 2012 da cumprar opür da tour a fit üna chasa o ün'abitaziun cun üert.

Per offertas o dumondas giavüschain nus d'ans contactar:
Andrea e Roman Klaiss, 7164 Dardin, Tel. 081 941 23 61

Famiglia Andrea e Roman Klaiss

“GA-per cumüns” – Adattamaint dal predsch

Per promover il trafic public, da il Cumün a nossa populaziun eir dal 2012 la pussibilità da cumprar bigliets favuraivels, culs quals i's po viagiari in tuot la Svizra cun tren, posta, barcha, tram e bus ün di a la lunga. Il bigliet es datà e vaglia be per quel di. **Per mincha di es avantman be ün bigliet.** Ils bigliets sun valabels per la 2. classa tenor las prescripziuns dals abunamaints generalis (GA).

Interessents pon cumprar opür reservar il bigliet plü bod pussibel pro'l büro cumünal, **tel. 081 / 861 20 60.** Ils bigliets pon gnir retrats d'urant ils uraris da fanestrigl. **La reservaziun dal bigliet es impegnativa, uschè cha bigliets reservats ston in mincha cas gnir pajats.** Bigliets reservats e na retrats vegnan miss in quint.

La SBB dozza il predsch per 8%, uschè cha'l cumün es sforzà da dozzar il predsch per bigliet **a partir dals 1. schner 2012 sün frs. 42.00.**

Chascha cumünala

Avis: Rumir naiv da/per privats

Illa sezüda dals 4 december 1996 ha il Cussagl cumünal chattà la seguainta soluziun pel möd da rumir la naiv per privats:

1. Id es admiss da rumir plazzas privatas sün vias cumünalas, scha la naiv vain palada sün via avant, al mumaint, cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al manader tecnic;
3. I nun es admiss, davo cha'l Cumün ha rumi las vias, da rumir naiv da terrain privat sün vias cumünalas. A quels chi surpassan quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur invern, per evitar dons in connex culla rumida da naiv.

Il Cussagl cumünal

Avis: Imposta a la funtana

Il termin per pagar l'imposta a la funtana pel **seguond mez on** scrouda la fin dal mais schner 2012. Nus giavüschain a tuots da far giò quint cul cumün fin il plü tard la fin da schner 2012.

Chascha cumünala

Avis: Vignettas

A partir dals 1. schner 2012 voula per traffichar sün *vias champestras* e per parcar per lavurar in stabilimaints (*mansteranza*), la vignetta nouva per l'on 2012.

Las vignettas da l'on e quellas da 14 dis ston gnir retrattas in büro cumünal. Quellas da di pon gnir retrattas eir amo in seguaints lös publics: **Sent Turissem, Hotel Rezia, Restorant Chasa Veglia, Hof Zuort, Piazza da campadi Sur En, Hotel Val d'Uina Sur En, Restorant da muntogna Vastur.**

Chancellaria cumünala

Avis: Reglar quints cul cumün

Il quint cumünal vain serrà giò pels 31 december 2011. Tuots dabuns dal cumün e quints pendants invers il cumün sun da reglar fin il plü tard **venderdi, 16 december 2011**. Infra quel temp sun eir da pagar tuots quints scadüts, dats dal cumün. Per quints chi vegnan pajats cun retard, vain inchargià ün fit da retard. Chi chi ha fat alch lavur pel cumün da Sent d'ürant l'on 2011, dess far il bain e dar giò las uras fin il plü tard als **16 december 2011**.

Chascha cumünala

Avis: Concept da ramassamaint d'immundizchas

Daspö ils 26 avuost 2011 sun in vigur be amo las trais deponias principalas Tuols, Plaz e Davo Stron. Grazcha a la fich buna collavuraziun dals abitants da Sent s'ha quista part dal nov concept d'immundizchas verifichada bain. A partir dals 1. schner aintra in vigur amo il nov möd da ramassamaint dals containers d'affars. In connex cun üna petiziun entrada a regard il concept d'immundizchas, ha il Cussagl cumünal repassà ed adattà la part dal ramassamaint dals containers d'affars. As basond sülla resposta datta als petents vules il Cussagl comunicar il seguaint adattamaint: Per pudair inchaschar ils cuosts per laschar svödar ils containers plü disferenzchadamaing prevezza l'adattamaint invezza d'üna pauschala annuala pel servezzan da svödar il container ün inchasch individual in fuorma d'üna plomba dal Cumün chi vain francada sper la plomba da PEB üsitada vi dal container mincha jada cha'l container ha da gnir svödà. Ils affarists interessats vi d'ün container d'affar pon retrar a partir dals 3 schner 2012 las plombas dal Cumün per frs. 20.-- per plomba e las indicaziuns detagliadas in büro cumünal.

Il Cussagl cumünal

Invid



Ils butiers da Sent invidan a lur
predschada cliantella ad ün tramagl
cun degustaziun in lur affars.

**Venderdi saira als 9 dec. 2011
avert fin las 2200**

Colonials Augustin

Chascharia Sent

Bacharia Juon

Butia la Funtana

Sgabuz Plaz

Sport Champatsch

Bacharia Zanetti

Butia Schlerin

Kinesiologia Martina Weiss

Physioterapia Talina Mayer

Sent Keramica

Per Lur fiduzia demuossada d'ürant l'an, nos
sincer ingraziamaint.

Vossa visita ans fa grond plaschair

BUNAS FESTAS DA NADAL



Concerts illa baselgia da Sent - inviern 2011 - 2012

www.sent-online.ch/concerts

lündeschdi 26.12.11	baselgia	17:00	MUSICA DA CHOMBRA PER LA FIN DA L'ON Leenhouts, violina Jan Hoijtink, clavazin	Franz Schubert - Grande Duo In A-dur Joseph Achron - Hebrew Melody To the memory of my father Witold Lutoslawski Recitativo e Arioso Edvard Elgar - Sonata op 32	collecta
marcurdi 28.12.11	Chasa Misoch	16:00	LA VALISCH SGOLANTA Cun quatter sopchas, ün orgel da man e seis dun da cumedianta svoula l'actura Annina Sedláček cun pitschen e grond in terras lontanas. Ün viadi aventurus cummainza.	Annina Sedláček s'ha laschada inspirar da la cuntschainta parabra «Der fliegende Koffer» da Hans Christian Andersen. Al public preschent'la sia versiun da l'istorgia. Il toc rumantsch as drizza ad uffants dad 1 a 99 ons. Deutsche Version: 17.00 Uhr	uffants: CHF 9.- creschüts: CHF 12.-
gövgia 05.01.12	baselgia	17:00	DA L'ENGIADINA A VIENNA Sairada da chant cun Sara Bigna Janett (sopran) e Risch Biert (clavazin)	Sper cunschaintas melodias viennaisas e chanzuns rumantschas as pudarà dudir eir musica da l'Italia.	CHF 20.-
dumengia 29.01.12	scolou !	17:00	Olé! Concert da l'Orchestra Cuira e la scolou da sot "Axelrod" direzziun: Beat Fehlmann coreografia: Irene Axelrod-Däppen	Program spagnöl cun ouvas da Boccherini, Turina, Respighi, Rodrigo ed Albéniz, rapreschantà da l'orchestra e dal ballet. (entrada giuvenils 15.- fin 16 ons entrada gratuita)	CHF 28.-
dumengia 05.02.12	baselgia	17:00	IL NOUV TRIO BERNAIS Piotr Plawner –violina Isabella Klim – violoncello Erika Radermacher – clavazin	L. van Beethoven – Trio Es-dur op. 1 Nr. 1 Clara Schumann – Trio g-moll op. 17	CHF 20.-
dumengia 12.02.12	baselgia	17:00	DA L'ORIENT A L'OCCIDAINT FIN AL NOUV MUOND cul QUARTET BERNINA	Yannick Frateur, Jessica Menning, violinas Paul Westermayer, viola; Pi-Chin Chien, cello J. Haydn - Sonnenaufgangsquartett A. Dvorak - Das Amerikanische Streichquartett	CHF 20.-
dumengia 19.02.12	baselgia	17:00	QUARTET AMARYLLIS Gustav Frielinghaus, 1.violina Lena Wirth, 2.violina Lena Eckels, viola Yves Sandoz, violoncello	F.E.Fesca - Quartett op. 7/1 Wolf - Italienische Serenade Beethoven op. 59/2	CHF 20.-